

Broj: 1704-11/23

Sarajevo, 29.11.2023. godine

Na osnovu člana 70. Stav 3 pod e) Zakona o turizmu („Službene novine Kantona Sarajevo”, broj 19/16, 31/17, 34/17 i 13/21), člana 24. Stav 3 pod e) u vezi sa članom 36. Statuta Turističke zajednice Kantona Sarajevo („Službene novine Kantona Sarajevo”, broj 32/17), Turističko vijeće Turističke zajednice Kantona Sarajevo na sedamnaestoj (XVII) redovnoj sjednici održanoj dana 29.11.2023. godine donosi

O D L U K U
O USVAJANJU PRAVILNIKA O NAČINU FORMIRANJA I UTVRĐIVANJU VISINE
NAKNADE ZA RAD U KOMISIJAM I RADNIM TIJELIMA KOJI SE OSNIVAJU U
TURISTIČKOJ ZAJEDNICI

Član 1.

Usvaja se Pravilnik o načinu formiranja i utvrđivanja visine naknade za rad u komisijama i radnim tijelima koji se osnivaju u Turističkoj zajednici

Član 2.

Prilog i sastavni dio ove odluke čini Pravilnik o načinu formiranja i utvrđivanja visine naknade za rad u komisijama i radnim tijelima koji se osnivaju u Turističkoj zajednici .
broj Broj: 1704-12/23 od 29.11.2023. godine

Član 3.

Ova Odluka stupa na snagu danom donošenja.

O b r a z l o ž e n j e

S obzirom na stalnu potrebu formiranja komisija za poslove i radne zadatke koji nisu u djelokrugu rada nijednog zaposlenika Turističke zajednice, kao i za poslove i radne zadatke za koje je posebnim zakonskim i podzakonskim aktima utvrđeno da ih obavlja Komisija te da do sada takav rad nije vrednovan kao u drugim institucijama čije je osnovač Kanton Sarajevo, na prijedlog predsjednika Turističke zajednice Turističko vijeće Turističke zajednice Kantona Sarajevo donijelo je Odluku kao u dispozitivu.

Predsjednik Turističkog vijeća
Turističke zajednice Kantona Sarajevo



Dostaviti:

1. Oglasna ploča
2. Turističko vijeće TZ KS
3. Zapisničar
4. Služba za opće i pravne poslove
5. Služba za planiranje, ekonomske i finansijske poslove
6. a/a

**PRAVILNIK
O NAČINU FORMIRANJA I UTVRĐIVANJU VISINE NAKNADE ZA RAD U
KOMISIJAMA I RADNIM TIJELIMA KOJI SE OSNIVAJU U TURISTIČKOJ
ZAJEDNICI**

Novembar, 2023.godine

Na osnovu člana 70. stav 3 tačka e) Zakona o turizmu („Službene novine Kantona Sarajevo”, broj 19/16, 31/17, 34/17 i 13/21,) i člana 36. st. (1) i (2) Zakona o plaćama i naknadama u organima vlasti Kantona Sarajevo (“Službene novine Kantona Sarajevo”, broj 5/19) u vezi sa članom 36. Statuta Turističke zajednice Kantona Sarajevo (“Službene novine Kantona Sarajevo”, broj 32/17), na prijedlog predsjednika Turističke zajednice Kantona Sarajevo u vezi sa članom 30. a) i b) Statuta Turističke zajednice Kantona Sarajevo (“Službene novine Kantona Sarajevo”, broj 32/17) na osnovu iskazane potrebe u radu, Turističko vijeće Turističke zajednice Kantona Sarajevo (u daljem tekstu: TV TZKS) na sedamnaestoj (XVII) redovnoj sjednici održanoj dana 29.11.2023. godine donosi

PRAVILNIK
O NAČINU FORMIRANJA I UTVRĐIVANJU VISINE NAKNADE ZA RAD U KOMISIJAMA I
RADNIM TIJELIMA KOJI SE OSNIVAJU U TURISTIČKOJ ZAJEDNICI

Član 1.
(Predmet Pravilnika i definicije pojmova)

(1)Ovim Pravilnikom utvrđuje se način, uslovi i kriteriji za formiranje radnih tijela i komisija, (u daljem tekstu: Komisija) te visina novčane naknade za članove, stručna lica, lica koja vrše nadzor (supervizore) i tehnička lica Komisija koje se osnivaju u Turističkoj zajednici Kantona Sarajevo (u daljem tekstu: Turistička zajednica).

(2)Pod Komisijom iz stava 1. ovog člana podrazumijeva se:

- a) Komisija koju formira Predsjednik Turističke zajednice čiji članovi mogu biti zaposlenici Turističke zajednice, stručna lica vanjski saradnici i ako je posebnim propisom predviđeno supervizori koji vrše nadzor nad radom Komisije, a predloženi su od nadležne institucije propisane zakonom ili podzakonskim aktom Turističke zajednice.

(3) Članovi Komisije iz stava 2. ovog člana mogu biti i stručnjaci koji nisu u radnom odnosu u Turističkoj zajednici, a predlažu se zbog svoje stručnosti kao vanjski saradnici.

(4) U slučaju da je za rad Komisije određen nadzor, imenuju se supervizori predloženi od nadležne institucije propisane zakonom ili podzakonskim aktom Turističke zajednice.

(5) Članovi Komisije iz stava 2. ovog člana, mogu biti angažovani najviše u dvije Komisije istovremeno.

Član 2.
(Formiranje Komisije)

(1) Komisija se može formirati radi:

- a) provođenja postupaka za ocjenu i odabir projekata u skladu sa podzakonskim aktima Turističke zajednice
- b) provođenja postupaka javnih nabavki;
- c) provođenja postupaka prijema u radni odnos u Turističku zajednicu u skladu sa zakonom i podzakonskim aktima.
- b) provođenja redovnog godišnjeg popisa stalnih sredstava;
- d) drugim slučajevima propisanim zakonom ili podzakonskim aktima ili posebnim programima Vlade Kantona Sarajevo ili Osnivača

(2) Komisija se može formirati samo za poslove i radne zadatke koji nisu u djelokrugu rada nijednog zaposlenika Turističke zajednice, kao i za poslove i radne zadatke za koje je posebnim zakonskim i podzakonskim aktima utvrđeno da ih obavlja Komisija.

(3) Izuzetno, Komisija se može formirati i za poslove i radne zadatke koji su u djelokrugu rada radnika Turističke zajednice, kada se radi o izuzetno složenom zadatku koji ne mogu obaviti samo radnici Turističke, bez saradnje sa drugim organima ili stručnjacima iz odgovarajuće oblasti. U navedenom slučaju Komisija može raditi u radnom vremenu i nema pravo na naknadu za svoj rad, izuzev članova Komisije koji nisu radnici Turističke zajednice.

Član 3.

(Način formiranja Komisije)

(1) Aktom o formiranju Komisije mogu se odrediti tehnička lica koja će obavljati administrativno-tehničke poslove za potrebe Komisije.

(2) Akt o formiranju Komisije obavezno sadrži sljedeće podatke: ime i prezime predsjednika i članova Komisije, ime i prezime tehničkog lica za obavljanje administrativno-tehničkih poslova za potrebe Komisije te ime i prezime i instituciju imenovanih supervizora, poslove i zadatke Komisije, rok za izvršavanje poslova i zadataka i pravo na naknadu članova i stručnih, tehničkih lica Komisije i supervizora.

(3) Smatra se da su poslovi i zadaci Komisije izvršeni nakon prihvatanja izvještaja od strane organa koje je formiralo Komisiju, nakon čega organ koji je formirao Komisiju donosi rješenje o utvrđivanju visine i isplati naknade za rad u Komisiji.

Član 4.

(Kriteriji za utvrđivanje visine naknade)

(1) Za utvrđivanje visine naknade za rad članova Komisije uzimaju se sljedeći kriterijumi:

- a) složenost poslova za koju se obrazuje Komisija;
- b) potrebna stručnost;
- c) obuhvat različitih oblasti;
- d) obim poslova i zadataka;
- e) precizno određeni rokovi za izvršenje poslova i zadataka;
- f) potreba rada na terenu;
- g) broj održanih sjednica Komisije

(2) Članovi Komisije ostvaruju pravo na naknadu samo pod uslovom da su poslove i radne zadatke za koje su zaduženi aktom o formiranju Komisije obavljali poslije redovnog radnog vremena, sa izuzetkom Komisije iz člana 2. stav (3) ovog Pravilnika, koja može raditi i u radno vrijeme.

Član 5.

(Visina naknade)

(1) Članovi Komisije koja se formira na osnovu odluke Predsjednika, imaju pravo na naknadu za rad u komisijama u iznosu od 200,00 KM do 400,00 KM u skladu sa kriterijima iz člana 4. ovog pravilnika, pod uslovom da je Komisija radila izvan radnog vremena.

(2) Imenovani supervizori imaju pravo na mjesečnu naknadu za nadzor nad radom Komisije u istom iznosu naknade utvrđene za članove Komisije.

(3) Tehničkom licu iz člana 3. stav (1) ovog pravilnika pripada mjesečna naknada najviše do 70% iznosa naknade utvrđene za članove Komisije.

(4) Naknada se isplaćuje po izvršenom zadatku i isključuje pravo na prekovremeni rad.

(5) Iznos naknade članovima Komisije, supervizorima i tehničkom licu utvrđuje organ koji je formirao Komisiju, donošenjem rješenja o utvrđivanju visine i isplati naknade za rad u Komisiji, nakon što prihvati izvještaj Komisije o izvršenim poslovima i zadacima, a sve u skladu sa iznosima utvrđenim u stavu (1), (2) i (3) ovog člana.

(6) Izuzetno, na osnovu kriterija iz člana 4. ovog Pravilnika, za učešće u radu pojedinih komisija za izvršenje izuzetno složenih zadataka, za koje se zahtijeva posebna stručnost članova Komisije iz odgovarajuće oblasti, može se utvrditi i veća visina naknade od visine utvrđene u stavu (1), (2) i (3) ovog člana. Odluku o visini naknade utvrđuje organ koji je formirao Komisiju.

Član 6.
(Izvještavanje)

Služba za planiranje, ekonomske i finansijske poslove dužna je Turističkom vijeću i Nadzornom odboru Turističke zajednice dostavljati tromjesečne izvještaje o visini isplaćenih naknada za članove Komisija na koje se odnosi ovaj Pravilnik.

Član 7.
(Završne odredbe)

Ovaj Pravilnik stupa na snagu danom donošenja.

Predsjednik Turističkog vijeća
Turističke zajednice Kantona Sarajevo


Suad Drpljanin

Broj: 1704-12/23

Sarajevo, 29.11.2023. godine